

皇明經世文編

皇明經世文編卷之一百九十八

華亭

陳子龍臥子 宋徵璧上木

編輯

徐孚遠闇公 李 雯舒章

宋家禎善先叅閱

潘簡肅公奏疏

疏

潘 潢

定議軍行給賞疏

軍行給賞

看得保定河間漢達官軍張福榮等於今年九月十三等日方纔調發浮圖峪白羊口等處防禦爲日甚

淺既于嘉靖三十七年七月內先調涿州繼調居庸又調喜峰口等處勞佚少異雖赴關隘効力不多又此嘉靖二十三年各該官軍倉卒拒敵奮勇當先畧有功勩不同合咨兵部將各調發浮圖峪白羊口見在漢達官軍職名備造文冊差官送部查照先年防禦事例于折糧折艸銀內動支不分漢達官軍各量賞銀五錢通計漢達官軍六千二員名共該銀三千零一兩依數支領前去當官唱名給散事完統領將官將賞過官軍姓名銀數造冊奏繳青冊送部查考

奉 聖旨是欽此。欽遵。又經通行欽遵去後。今該前  
因通查案呈到部。看得百戶廉彪操餘張臣等節次  
奏要加給賞賜。但查本部先准兵部咨。已經題給行  
糧艸料。後准兵部。又經題奉欽依。賞賜銀三千餘兩。  
就事酬勞。已踰常分。而廉彪等猶嫌數少。動引京營  
七枝爲詞。亦見人心初無止足。而法制不可不明矣。  
伏覩大明會典。賞賜一項。在本部止有歲給軍士冬  
衣布花。在兵部止有功次給賞。加賞量賞。此外賞軍  
初無定例。先年雖因征進川廣雲貴等處殊遠地方。

將領陳請間嘗議給皆出自特恩准閔內庫金帛計數不多且又或因歲歉罷給或因人衆停給或因防守無例外衛無例從宜減給至謂待有功日量加陞賞尤得詩彤弓書衣裳在笥微意蓋養兵以備不測而懸賞以待有功故有不賞而自孚亦或賞而百倡

賞行于臨敵之日則上

何以使下賞給于出軍之時則下賞以邊上

近年以來每一調兵輒題賞賜每一擬賞輒累萬金甚至往返纔十餘日歲中連賞數次而麾下悍卒挾馬久逸猶不在所者方今邊徼多事水旱相仍本等月糧猶患缺額此類不已坐費軍資未能外攘而先

自困。非所以容民而畜衆也。欲候命下。本部申明舊制。及永樂宣德以來節年事例。備咨兵部及總督撫鎮各該官員。今後非有重大征進。例應紀功。軍前邀賞者。勿得沿襲流弊。輒干賞典。果有急功。奏下本部聽臣等查照。遠年近日賞例。叅以事情緩急。道里遠近。歲月久遠。營伍內外。量爲度數。大約以五千里一年以上爲一處。三千里外八箇月以上爲一等。一千里外半年以上爲一等。五百里外三箇月以上。若達官達軍無糧操餘爲一等。多者每員給銀五兩三兩。

二兩少則每名止給七錢五錢三錢俱照期疏請取自上裁永爲匪頒之式其本鎮之內四百里以下若操練防守等項居常既有俸月糧賞臨發又支艸糧行糧畫地輸勞是其職分毋容一槩冒妄陳擾及廉彪張臣等題奉欽依卽爲恩澤義難再三瀆請加益徒長懷利之風其不候掣兵離次邀索仍查在彼行糧艸糧曾否截自住支呈覆叅究以懲不恪通乞聖裁。

論首功疏

臣聞古者命將討不庭師還奏凱馘其鯢鯨而獻之以爲大戮而已。自秦衛鞅說孝公變法斬一首賜爵一級歷代相承上功張虜獲以爲故事而民始有歿于非命者我祖宗酌中古制惟北虜及倭寇南蠻得論首級後雖間用之內地反賊功重賞輕猶每加慎焉。近者正德年間流賊東起一時筭首虜爲殿最激昂將卒惟是殘忍貪冒之徒乘間屠無辜老弱倖功饗賞民駢首就戮無所逃命轉相爲殘俱不能免

耶

人其所當哀痛者奈何有謀行告功歟至之祀者

赤子作此被誅此

叛且益堅遠近兵連遂爲定例人至于今病之臣聞



兵以止殺。非以殺人爲事也。周書稱武王伐商。前徒倒戈。血流漂杵。言紂衆自相攻耳。孟子尤以爲不可盡信。故武王不以天下易一人之命。而文王不忍露白骨。明恥教戰。取殘而已。夫兵有不殺而威。上兵伐謀。善戰不歿命是也。有殺之而威。有加折首獲匪其醜。無咎是也。有多殺而不威。樂殺人者。不可以得志于天下是也。故曰。君子之將。不以戰屈人。兵爲心。小人之將。以殺人爲嗜。今立法曰。凡斬首幾。賞幾陞。幾。是君子之將。皆非所用。而所用乃殺人以逞者也。且

匹夫奮呼徒手而斃數十人者。往往而是。若以顯級。爲拘一人。右執戟。左提敵首。不過一代。再代。三代。而

北虜之所以論級者。以其人少。而強欲殄滅。

止耳。强者奪功。富者買級。雖小人安能盡其力哉。臣

其類耳。然國有級。爭功而爲敵所重者。往往而是。

願陛下原武之意。廣仁之術。明詔本兵革一切之

況我內地之民。本我赤子。且狀貌無異。行從雜其

法。率由祖宗成憲。除蠻夷內侵。古者獻功親勞之

非殺之良計。功乎。近者。豫楚之交。可爲長嘆。

禮種類既別。冒級爲難。不必更張。其餘內地征討流

賊。以破陣逐北爲次功。推營拔塞爲上功。悉平賊衆

爲元功。卽其中先鋒受上賞。中軍次。殿又次。斬獲多

寡。在所勿論。罷紀功之官。專閫帥之任。仍勅諸將自

今奉辭致討。有克敵而還。不戮一人者。論功行賞。待以不次。克敵殺人不濫者。賞如令。殺人濫者。罰之。則雖未敢遽語仁義之兵。而老成持重。先計後戰。如古趙克國曹彬其人者。不可謂無。所以宣恩威。倡勇敢。愛育黎元。靈長國脈。消反側之心。保天地之和。誠非小補。惟陛下裁聽。

取解軍器疏

取解南京盛甲

此係南京軍器數目。祖宗朝時。時取用。今則自

謹題准工部咨該本部題奉欽依行查南京戊字等

濟不能氣。或有之以備放云。

庫兵仗局收有盛甲共計若干。副挑選堪用者七八

萬副責差部官管領行移南京兵部摘馬快船隻裝載星夜兼程前進的限明年二月中旬到京以備支給不許托故推諉其餘并損壞者聽其措辦修理留備本處操守等因備咨差武功中衛千戶杜勳守催到部行據本部營繕清吏司主事莊朝賓呈稱會同巡視九庫南京工科給事中林懋舉南京山東道監察御史李尚智等查得南京戊字庫舊有直簷等鉄厯六萬六千一百一十七頂皮厯六萬一千五百九十頂鉄葉甲八萬八千八十六領通行盤出挑選得

堪用鉄盔一千四百一十六頂、鉄葉甲二萬五千領、量加修理、堪以湊用、鉄盔二萬三千五百八十四頂、共堆積已久、繡壞居多、相應添料募工修整、留備本處操守支用、直簷等鉄盔三萬一千三百四十三頂、皮甲二萬五千八百九十四領、鉄葉甲二萬八千七百八十六領、又嘉靖八年、該南京戶部題准會官揀下破損不堪照舊收貯鉄盔九千七百七十四頂、皮盔三萬五千六百九十六頂、鉄葉甲二萬六千三百領、又據本部屯田清吏司主事李檀呈稱、會同南京

兵仗局內官監有少監高佐等查得南京兵仗局歷  
年收貯直簷等盛三萬九千九百三十三頂、鉄葉甲  
五萬五千二十二領、皮盛四萬二千六百七十三頂  
皮甲五千三百七十九領、鎖子甲二百六十七領、銅  
甲一百二十二領、通行盤出、內挑選得堪用硃紅油  
貼金勇字直簷鉄盛一千頂、鉄葉甲一萬四百二十  
領、量加修理、硃紅油貼金勇字直簷鉄盛九千四百  
二十頂、其餘直簷鉄皮等盛七萬二千一百八十六  
頂、銅鉄葉鎖子等甲五萬三千三百七十領、俱係正統成

化以前年分成造、堆積陳久、中間數多銹繡線綻、硃漆脫落、縱加修整、不耐馳驟、必多添料、撓新改造、方可留本處操守支用等因、各呈前來、欲便查照原取數目、通修完足、一併起運、緣水磨油漆襯布貼金、必寬旬月、漆乾縫就、方可搬動、而目下春水正淺、農務正興、據今選解已數萬副、亦恐一日併發、不無欲速不達之慮、合照本照近年起取碗黃及年例器皿事例、添委官員、分運起解、連齎腳價、先赴工部轉發通州修倉主事、顧車裝進、但查南京兵仗局前廠季造

盛甲、遙年俱係該局，并南京各衛所軍器會官成造，驗進南京戊字庫交割，原無收有分毫裝運水脚，比與各該司府年例畔襖等項不同。所據今次修整裝成盤剝車價，本司別無匿處，合于本部節慎庫暫支官銀給領，以修完接續取用，仍從該庫局官照常徑自解納。通查案呈到部，看得戎器貴精，兵事欲速，前項挑選過盛甲三萬五千四百二十副領，該箱一千五百一十五扛，裝船九十九隻，夫數多費用不貲，所據該司呈要分遣官員，多作運數，水陸兼程，陸續解



進俱由龍江開水路至通州起車各分投齋領星夜解進到部車價先解工部照例轉發修倉主事顧車裝運類收掣取批單銷照完日連應修裝起淺盤剝等項支費備細造冊但有餘剩解回貯庫作正支銷不足于各運內通融處補各另呈部覆查明白通類奏報在庫堪修盔甲亦依原擬措辦修理留備本處操守支用及兵仗局遠年堆積陳器一體料揀撓修聽候斟酌接取選解補數謹具題知

覆艸場失火疏

查草草場積弊

罰之什債久則自能生火故州場注有火災  
謹題刑科抄出戶利給事中王德等題節奉聖旨

欵否數

事宜戶部查議處來說欽此抄出到部看得巡青給事中王德御史李逢時曾本論奏反覆千言大槩推明烈火之所自生與流弊之所必至明罰飭法盡制曲防無非爲國節財求牧與蒨之意但失火放火折賠均賠虛出通關求索所部載在律例各有正條而先期查點照派開收截出單應時給價官攢申報錢糧數目前奏已明無容改議惟是每年坐派全數各場多收堆頭委的濫費錢糧恣生奸弊相應量爲裁

省申明酌議合候命下本部備行巡青給事中御史監收主事會同該監官遵照原奉欽依每年于會派料艸之中先將各處倉場馬匹牛羊從公查點見數分別該用該減草料數目造報本部以憑勘量會派取勾一年支用仍趁秋冬收買截給閱單刻限完報毋許營求坐數過多致得拖延占推影射虛出作弊腐爛虧數其有新收倒死頭匹卽報巡青監收官驗實方准芻料除各場堆頭亦行巡視科道會同主事查照倉場該收草料多寡見編在官庫稱脚夫等項

正差有無多餘不足、應否添設顧役、通融計算、裁定名數、革去濫收游手棍徒、量存良實開報、着令相幫供役、不許容留積年害人、亦不必加派有司、編僉靠損百姓、重起冒名頂替、用強包攬之弊、遇該出納倉場官攢、每五日一次申報巡青衙門、但有內外勢要官攢吏書跟官伴當人等、需索所部分例、措勒打纜等項、奸弊並聽糾察、究叅問發、監收主事仍不時躬親閱視、督令各該官攢就近看守、從宜小作堆垛、厚加苫蓋、但見火起、併力救遏、不得輒離所守、若奸徒

放火故燒捕獲有顯跡証驗明白及主守安置不如法致有損壞并監臨主守將侵欺借貸那移之數乘火虛搪文案扣換交單申報瞞官者依律問罪折賠均贖各盡本法庶輕重各得其情而大小皆足以戒防乎其防有備或無患矣

請復軍屯疏

復軍屯

戶部會同兵部尚書彭澤等議得近年以來各該將領一遇小警輒便動調兵馬按伏及至賊人入境却乃束手無措攻堡殺人莫敢誰何糧餉虛糜兵威不

振、況所費糧艸俱係每年額外之數、若賊大舉、將何以支、臣等諫得地方一應地土徵收、此天地無窮之利、邊疆不費之惠也、際此窘迫匱乏之秋、正宜多方區畫、共濟艱難、而鎮巡等官、漫不加省、是徒知奏討有限之國儲爲便、而不以計處無窮之地利爲先、題奉聖旨、是邊方供給糧艸、都是小民膏脂、寬一分民受一分之賜、積一分、官有一分之用、各巡邊鎮等官、徒知奏討爲便、不以計處爲先、似非體國之義、今後都着撙節愛惜酌量、時雖豐凶、折放招買務處置

得宜不許浪費境內有堪種地土上緊遵照原擬盡數查出召人佃種但有便利事宜奏來取置欽此已經通行欽遵訖今戶部奏發內帑歲已八倍于前而各邊請給猶無虛月蓋由近年召募太多食之者衆留屯太少生之者寡按伏太早用之者疾奏掣太遲爲之者舒以此年年奏討在在稱乏此不知計處爲先不念百姓艱難之明驗也合候命下戶部奉揚聖訓申諭各邊總督撫鎮等官各務盡誠體國撙節愛養隨機動酌酌時招買如法屯種及期採青簡練

車徒俯恤貧弱、謹節制度、懋通有無、境內但有便利事宜、奏聞處置、如此計處、事必精明、邊儲既克、奏討自少、士氣軍威、亦各丕振、而日大有功矣、

一查邊屯子粒、伏覩洪武二十六年、節該戶部奏奉太祖皇帝聖旨、是那北邊衛分、都一般教他屯種、守城軍的月糧、就屯種子粒內支、欽此、永樂三年、節奉成祖皇帝勅諭、嘗想着太祖皇帝時、軍士都着他

耕種、又積攢起餘糧、防備水旱、百姓免得轉輸、軍士

並無飢窘、這箇甚是兩便、若只教那窮乏的百姓、供

聖人之言、萬世之利也



給安生的軍士百姓轉見艱難軍士轉見驕惰了、倘或百姓供給不全、軍士也只得坐受飢餓、兩下都不便當、因此上着恁每官軍依着定的分數下屯、專委官管領、定立賞罰則例、年終赴京比較、欽此、顧承平寢久、屯政頓墮、子粒所收、十常去七、雖稱邊事日棘、究其弊源、大率各該勢豪、侵占剝削、使無立錫、以致於此、查得問刑條例內一款、凡在強占種屯田者、問罪官調邊衛帶俸差操、旗軍軍丁人等、發邊衛充軍、民祭口外爲民管屯等官、不行用心清查者、糾奏治

罪又一款屯軍人等將屯田轉賣與典主買主俱照用強例問罪調發管屯指揮等官知情不舉或受賄容隱一體叅問成化十六年又該戶部題准屯田子粒年終不完者都司管屯各衛所掌印管屯并管屯種官員之家俱各住俸若一年不完都司掌印衛所僉書及首領官并按察司管屯官一體住俸弘治十年又該巡撫山西戶部左侍郎劉大夏奏戶部題准屯糧不完二年三年以上衛所管屯官不必叅奏聽管屯僉事提問住俸比較若有侵欺情弊比照私役

軍人事例每糧一分准軍一名、五名以下、降一級、以上二級、嘉靖七年、又該戶部尚書胡世寧奏、戶部題准、本管官員如有指以公用差使爲由、科取錢財、逼令逃竄、以致屯田荒蕪事發、聽撫按等官奏拏究治、今照前例、相應申明、合候命下、戶部行移撫按官員、嚴督各管屯官、刻期清理屯種、敢有用強霸占、典賣及知情不舉、違限不完、侵欺科逼逃竄等項、各叅問住俸調發、降級糾奏施行、額外空閑地土、仍聽土客官舍軍餘儘力開墾、永不起科、但使自種自給、必能

足食足兵矣。旣復祖宗久大之規，尤得天地自然之利，伏乞聖裁。

會議第一疏

理財十議

查得戶部先年歲入太倉銀庫折色夏稅銀一十五萬五百兩，秋糧八十七萬四千八百兩，馬州二十三萬七千兩，鹽課二十萬兩，雲南開辦三萬兩，通計一百四十九萬兩，十分存三，所以老庫常有四百萬兩之積。隨後邊方多事，前項歲糧陸續改派宣大等倉上納，雲南開辦亦久停閣。至今嘉靖二十八年歲入

止有夏稅銀一十二萬一千兩、秋糧三十三萬九千六百兩、馬艸連各馬房五十四萬九千五百兩、鹽鈔四萬五千兩、鹽課折布等項五萬一千兩、以上正入共銀一百一十萬六千一百兩、以給本年正支文武官員折俸折絹銀一十一萬五千五百三十八兩、官軍雜役銀四萬三千三百四十五兩、冬衣布花一十三萬九千四百一十八兩、馬房料艸芻稽三十八萬二千二百八十五兩、各庫局豆稻艸稻皮九千五百八十八兩、各邊年例四十三萬兩、尚不勾數、加以各

邊新增年例銀四十一萬二千四十七兩、補歲用不敷一十萬九千五百五十八兩、賑濟六萬五千兩、預補一十萬兩、賞賜七萬二千五百二十兩、修邊四十萬八千四百四十六兩、募軍銀二十三萬四千七百四十八兩、防秋九十六萬四千八十四兩、營衛馬匹糧艸折色二十一萬三千八百九十兩、進用七萬兩、召買蒲杖香蠟珊瑚等項二十五萬六千二百二十四兩、紫艸銀硃染絹三萬二千八百七十八兩、做工官軍益折一千七百二十九兩、竹園修船四千三十七兩、

錢鈔八千五百兩。又通用銀二百九十五萬八千一百三十一兩。除支兩淮餘鹽銀六十萬兩。兩浙六萬四千九百兩。長蘆八萬五千三百兩。富戶四千五百三十四兩。簽稽一千九十兩。扣省由關等項五萬八千五百兩。歲有常數外。其餘俱是多方搜括。亦止得開例納銀四十六萬二千兩。河道六萬九千七百九十八兩。司府贖罰香錢等項五萬三千四百兩。南京戶部二十萬兩。草場子粒四千二百一十四兩。商稅一十五萬四千四百六十兩。保定臨清德州等倉。折

糧二十七萬兩差官徵催節年拖欠稅糧等項八十  
一萬八千四百四十八兩仍缺一十一萬餘兩那前  
積後漸次支給至今邊商掛欠尚多况開納例限且  
完鈔關見收本色催糧官員久已取回南京戶部及  
各司府倉庫折銀贓罰香錢等項並已報竭而宣府  
延綏又奏添募軍馬河南山陝皆缺宗室祿糧兼以  
東南水災西北亢旱祇爲見在窘乏莫克通其有無  
則亦何以度支爲哉伏奉 明旨特勅臣等會官詳  
議經久節省之計臣等茂對昌期祇奉明詔謹合僉



謀參以時義別爲十目伏乞 聖明留神省覽俯垂  
採納特賜施行

計開 修屯政

一修屯政照得軍馬各有定額總其盈縮大略相當  
近年各邊募軍旣係額內却又額外槩請加給太倉  
見在銀兩伏奉 明旨中外曉然固已洞識今日京  
庫缺乏所從來矣臣等司計責亦奚辭但查各邊錢  
糧原止二項民糧出自各省起運此固萬民惟正之  
供而屯種出自衛軍國初三分守城四分屯種歲入

之厚利尤無窮。至如馬芻亦止取給採青牧放。所以其時隨在各足。邊糧常勻。防秋數年支用。直至正德末年。通計各邊年例。亦止銀四十三萬兩。內宣府十萬兩。大同五萬兩。遼東十五萬。延綏三萬兩。寧夏四萬兩。甘肅六萬兩。今戶部歲派山西等布政司。直隸河間等府。起運宣府糧料五十四萬七千五百二十五石。布一十八萬九千六百一十八疋。綿花絨三萬七千五百斤。馬艸七十萬束。大同糧料三十八萬七千四百五十石。布一十八萬二千五百疋。綿花絨八萬

斤馬艸二百四十四萬四千八百五十束、二分八厘、  
山西寧武閔料九萬七千石、馬艸一百一十萬束、遼  
東麥米折布三十二萬疋、綿花絨鈔一百九十三萬  
二千三百四十五斤錠、馬艸三十二萬三千五百六  
十三束、銀一萬七千三百九十三兩四錢二分一厘  
固原糧料二十二萬五千四百四十九石九斗馬艸  
二十八萬三千二百三十六束、延綏糧料三十二萬  
一千二百八十五石九斗九升、馬艸五十五萬二千  
八十六束、布四萬疋、寧夏糧料一十四萬三千八百

五十四斗、馬艸一十六萬一千二百四十束、甘肅糧料三十一萬七千八百八十一石四斗、薊州糧料三萬五千一百八十石、麥折布一萬二千二百七十一疋、馬艸一百萬束、昌平糧料布花准米麥一十三萬一千五百七十五石二斗、馬艸八十五萬六千一百束、密雲糧料一十三萬八千六百二十石、易州糧料三十萬六千三百八十八石、綿布五萬一千六百八十八花、綿二萬四千九百七十斤八兩、馬艸一十一萬七百束、雖有積欠、每年猶止十之二三、而屯田

原額宣府屯軍八千六百七名屯地四千三百三頃五十畝各色子粒二十五萬四千三百四十四石四斗一升大同屯軍一萬六千七百名屯地一萬五千八百三十頃各色子粒五十一萬三千九百四石五斗山西屯軍九千四百九十名屯地六千一百一十二頃一十畝各色子粒二十五萬七千七百四十六石五斗六升遼東屯軍四萬五千四百五名屯地二萬五千三百七十八頃二十八畝額糧七十一萬六千一百七十石以後歲派四十五萬四千石固原延

綏二鎮屯軍舍人二萬六千七百三十八名屯地二萬六千一百一十八頃二十一畝各色子粒三十六萬五千二百四十石五斗四升六合寧夏屯軍一萬一千一名屯地五千五百二十七頃九十二畝五分各色子粒三十二萬二千七百二十二石二斗七升九合四勺甘肅屯軍二萬三千三百八十三名屯地一萬一千六百九十一頃五十畝各色子粒六十萬三千一百八十八石四斗二升五合薊州屯軍五千八百七十五名屯地三千八百二十八頃五十一畝

細糧六萬八千五百六十七石五斗九升則十數年  
並無一處通關奏繳。宣大延綏屯廢尤甚。以致邊儲  
急缺。只今嘉靖二十八年一年。延綏一鎮。已發銀至  
二十九萬五千四百七十七兩。加以宣府銀八萬兩。  
大同二十二萬四千二百五十三兩。山西廣武等站  
一十六萬八千九百七十四兩。遼東一十五萬兩。薊  
州三萬兩。固原五萬八千八百二十兩。寧夏四萬兩。  
甘肅六萬兩。謂之年例。宣府一十一萬五千六百四  
十四兩。大同五萬四千五百兩。山西五萬八千七百

四十三兩、遼東四萬一千一百五十四兩、固原三萬兩、寧夏八萬七千九百九十兩、甘肅一十萬三千一百五十兩、謂之補不敷。大同六萬三千二百六十九兩、遼東三萬一千二百兩、甘肅二萬兩、謂之募兵糧。宣府四萬兩、大同七萬兩、謂之預備。宣府三十四萬四千五百八十四兩、大同二十六萬兩、山西七萬兩、密雲、易州、昌平一十八萬四千兩、寧夏二萬兩、謂之防秋。宣大四十萬八千四百四十六兩、謂之修邊。京營、宣大等處七萬二千五百二十一兩、謂之賞賜、通



前三百二十萬三千三百二十五兩。比之正德年間。實多八倍。蓋盡長蘆山東兩淮兩浙常股存積並引。太倉年來括取富人之財。司府之積皆已竭發。猶請不已。則亦不可不亟反其本矣。千里餽糧。士有飢色。因糧于敵。兵法所善。况軍屯畝角見存。祖宗良法。故在。而又奉勅有官。新墻有備。如此而猶不稼不穡。徒然坐待太倉。太倉不足。取之州縣。州縣不足。取之百姓。百姓不足。將焉取之。合從給事中葉鏜等議。候命下。且戶部移咨督撫都御史及都察院轉行巡按。

御史先查該鎮先年起運錢糧掛欠之數、分別州縣  
叅奏追徵、仍嚴查都司按察司各管屯官屯日子粒、  
一年之上不完者、照例通行停俸清理屯田、屯田既  
明、又清屯軍必若缺人、許照大明會典洪武三十年  
事例、及正統年間、侍郎葉盛宣府團種舊規、將各衛  
軍內存精壯城操、摘撥老弱屯種、仍加撫恤、買給種  
牛、嚴謹烽堠、使得肆力農畝、鼓舞盡利、其原額軍馬  
錢糧、務查當初實見着伍作數、其徵有支若干、見在  
差操正餘馬駒驢騾月支一石二石三斗五斗本色

折色若干先年何以足用近年緣何請給過多今應作何計處方得上下各足可以盡復祖宗之舊將存撥過屯卒補過名糧計處過事宜及各京運年例募軍不敷等銀應存應減應革之類以今十一月內奏下戶部會官覈議猶有不明不盡再請差科道覈勘的確圖惟經久請自上裁以後會計歲用先儘民屯二糧開中塩引連各雜稅課等項通融計算損多益寡取相足給或有非常蠲減方許具實奏發內帑湊支每月終巡按御史行令奉勅理屯官員備開

屯軍田畝子粒實數造冊奏繳青冊送部一次比較則兵旣食其力而農亦足以兵所謂內有無費之利外有守禦之備者庶皆得之而芻糧人騎各有歸着不失舊額奏討之煩非所慮矣

一謹歲派照得用人理財國家彝典今錢穀一司掌印管糧總督儲餉非不備官違限恃頑侵欺非不立法住俸降級取問比較戶部又有節次題准事例而給事中何光祿猶以侵剋影射冒破隱匿逋負那移裁減賄賂打點詐欺爲言難乎謂有人矣合無今後

一應錢糧在外責成各布政司督糧叅政叅議在內責成各邊腹管糧郎中主事恭候命下戶部移各該巡撫都御史無巡撫處聽巡按御史照例每年十月各具先一年派徵錢糧司府州縣掌印管糧官員起運京邊完欠分數例應住俸取問降級等第舉劾以聞各司府州仍將歲派邊關并徐淮臨德天津昌平密雲易州等倉稅糧分別州縣摘造小冊徑送各郎中主事及早催徵乘時召買亦將未完開報該鎮巡撫衙門一體查叅但有怠玩姑息戶部該科各遵原

旨叅奏定奪、郎中主事差滿回部考察亦查糧數、以歲內新舊共完十分以上爲合格、八分以下以推奸避事論、其蘇松常鎮等府、名爲財賦淵藪、節該言官建議、添官清理、緣錢糧浩大、恃頑大戶、侵欺罔解、弊端尤多、部屬監司、勢難鎮壓、而蘇松等府巡按御史、政務雖多、地面不廣、禁革錢糧奸弊、又其職務、合從戶部請勅一道、行令清理差完、一併具奏復命、天下歲報錢糧文冊、近年止具司府大總、所屬州縣並不開明、戶部每遇給內等官赴部查糧、只憑自齎來文

虛應故事、完欠虛實、無從查考、亦行各該撫按查將  
司府州縣原額戶口人丁田土夏稅秋糧鹽鈔馬艸  
廚料凡應徵收作數錢糧、分豁存留起運倉口明白  
依限造冊繳部、遇該起送給由、應朝行取官員亦對  
額款開注造報、其違限恃頑侵盜打點、虛報聲息、冒  
支軍糧等項、不分邊腹、俱從巡按御史着實查訪問  
罪、追贓發遣降革、各盡本法、若有巨貪積蠹、仍聽各  
言官指實叅奏發落、庶幾人法並行、情僞莫掩、人心  
邊計、或各有少裨矣、

一清牧地、伏覩大明會典、戶部徵收芻艸、自洪武永樂以來、凡光祿寺犧牲所、御馬監并象馬牛羊房等艸、俱于民間照田糧科徵、爲置場牧放、其官軍馬艸、給以牧地、係兵部掌行、每歲春末夏初、兵部推舉坐營官一員、請勅管領下場牧放、至九月中回營、又一欵、各衛艸場已墾成田者、照畝收銀、解送兵部、轉發太僕寺收候買馬、又一欵、錦衣衛艸場租銀收貯、貼補馬艸、則是前項馬匹、同一牧放、同給艸料、所不同者、寺監象馬牛羊、出自戶部、民間田糧科徵、管衛馬



艸出自兵部夏秋下場牧放。條分類列。職掌森嚴。縱有缺乏。象馬牛羊。不可取給于太僕。猶之營衛馬匹。不可取必于太倉也。今營衛牧放。仍隸兵部馬政項下。艸場子粒。亦歸兵部買馬。貼備馬艸。而管領下場。自武定侯郭勛提督團營。作俑停廢。至今夏秋。猶在太倉支給艸料。通計一十四年。費銀已過二百二十五萬。雖展題勘。杳無回報。然則帑藏如之。何不虛哉。況錢入軍手。雖富人不免侵尅。水艸非時。雖良馬亦成槁骨。只今初夏一月。已報倒死五百匹。此其利害。

又不但在太倉而已。合候命下，兵部會同戶部申明正統九年厲禁，題請差科道官清理前項牧地，艸場明白，每歲春末夏初，除例該存留聽用馬匹，戶部支給料豆外，其餘兵部推舉在營官一員，請勅領下場牧放，其有聲息緊急，就支原收子粒銀兩貼補餵養，職掌既明，搏節自易，將來水艸豐利，蓄牧蕃滋，國初一十二萬四千之盛，可以馴致，而飼秣買補諸費，一旦皆頓省矣。

一明鈔法，照得在外衙門官員，通同勢要，賣納課鈔，

克軍降級例有明條而戶部河西務臨清等關商稅  
近雖題奉欽依間歲收鈔往來客商多是行使銀錢  
州縣官員又各拘忌前例以此收買不前解納遲滯  
勢要乘時邀索厚利益無忌憚況查內帑天財庫每  
歲給事中御史主事等官會奏關領給賞各該衙門  
官吏監生進貢夷人并錦衣等七十八衛所旗軍冬  
衣布花折鈔不滿二百萬錠內帑給賜亦略相當今  
若將各鈔關門稅一槩交收本色不無積弊過多軟  
爛可惜合依給事中任有齡所奏恭候命卜通行巡

視科道等官、會同提督該庫官員、約計每年合用給  
賞鈔錠、實該若干、見在若干、該添若干、開報戶部、照  
數收買、陸續奏進取足。上用其各關商稅、仍聽折  
銀解部類邊、庶幾鈔法商課、上下並行、賞典邊防、內  
外交足、而法立人守、亦易避而難犯矣。

一振鹽餘、照得煮海餉邊、此天地自然之利、而前代  
課入之多、至六百餘萬緡、今淮南北浙東西長蘆山  
東等鹽、起存止餘總百五十餘萬而已、其廣東嶺外  
南雄江西嶺北南贛福建黃崎鎮南臺三關等處、課

稅頗多汨沒、有司不達戶部知數、而陝西靈州、雲南五井、遼東金復海蓋、雖該都御史楊一清、劉獻、御史沈教先後奏行、亦未開據徵解支銷、邊計不足、有由然矣、合候命下、戶部咨都察院通行各該御史、弔取緊關人卷研勘、前項課稅、既收在官、通年作何支銷、有無侵欺花費、及商人陳淳道公養等奏稱見今生齒日繁、鹽食日廣、要添引鹽一體開邊、是否相應、遼東延綏清出的數、依舊存留、專給彼處不敷軍餉、嶺南北邵建稅銀、除南贛軍門量存三分之一、餘各起

解太倉貯庫類邊雲南五井仍催節年拖欠刻限解足并此外或有通商惠民良法並聽區畫停當開奏施行亦取于民不如取于商之一道也

一預儲蓄照得今制州縣各設有預備倉是固有備無患之意而漢臣謂積貯者天下大命其所關係信亦非細故矣但查弘治年間照里積糧限數雖多課功不亟所以其時糧多報足至有三五萬之積者見今則糧例已減半而每年但少六分以上遽議罷黜以致有司少能及等撫按官員類多過期不報則亦

徒嚴而無益耳。今欲事在必行，伏乞裁爲中制。糧從嘉靖二十四年定數，其知州知縣考滿，糧不及例以十分爲率，欠三五分罰俸，六分以上九年通考起送吏部降用，僻小罷散縣分，果別無設法者，並免住俸叅究，俱照弘治三年十年題准事例。其在外巡撫都御史及清軍等項中差御史并守城叅政副使等官，每年各另差官員查盤倉庫錢糧，紛沓來，十羊九牧，深文曲法，耗財虐民，弊誠有如都給事中葉鏗等所言者。合從戶部申明嘉靖九年題准事例，通行各

該巡撫都御史、今後交代不必各另查盤、但置循環文簿、按季倒換稽考、通該三年、會委廉正官員一次查盤造冊奏繳、青冊送部、仍存一本、隨卷交代、如有未完接管追問、照依勘合一體完報、其驛遞錢糧一年一查、不在此例、

一節召買、照得各邊供億、先年原無年例、其後雖間清發亦多給自中帑、正統八年、令廣東福建折糧解發、各邊糴備、著在大明會典、我皇上肇登大寶、詔內承運庫先後發銀六十萬兩、接濟陝西三邊、又准



免派甲字等庫銅錫等料一年減派二硃等料二年御馬等倉豆艸數十百萬聖德所被天地同大非止如宋臣韓琦等侈頒支撥內帑紬絹二百萬疋賜三司以爲異政而已今四方水旱相仍九邊請發不絕太倉外庫又鮮贏餘損上益下正惟其日而內府監局比來敷率乃數倍于前時且如金冊先年皆內承運庫支雲南進年例金成造近來宗支日蕃費用雖廣嘉靖元年猶止依舊嘉靖三年買金二千七百兩近來加至八千四百五十兩通支過太倉庫銀四十

二萬四千三百三十二兩珍珠先年止用廣東解進  
嘉靖二十四年開買珍珠一百五萬二千七百五十  
四顆、遞年增減不一、支過銀十萬二百六十四兩、寶  
石珊瑚嘉靖元等年不買、嘉靖六年止買三十一兩、  
近年加至四千兩、通支銀一十五萬二千七百二十  
兩、黃蠟成化初年派二萬斤、隨後派至八萬五千斤、  
嘉靖元年依舊派不買、嘉靖三年買二萬斤、以後加  
派至一十五萬五千斤、又買十萬斤、支過銀一十九  
萬九千八百一十一兩、白蠟嘉靖元年止派四千斤、

嘉靖三年買二千斤、以後加派六萬斤、又買八萬斤、支過銀三十五萬一百六十兩、蒲杖嘉靖三年買二千斤、以後加至四萬斤、支過銀二萬二千二百八十九兩、香品先年俱于南京庫內取用、弘治七年該庫缺乏、節行廣東買辦四萬五千斤、順天府買三千斤、嘉靖三年買速等香三千斤、今加至二十五萬五千三百斤、又御用監一萬五千斤、通支過銀六十萬七千三百五十七兩、軍官俸賜先年俱于內庫支給、正統八年廣東福建折糧亦發各邊備糴、著在大明會

典、今軍官折俸已奉欽依季進支發其餘那移并賞賜等項共支過太倉銀一百二十五萬五千三百兩、白綿原無召買嘉靖十年始買二千二百斤二十五  
年加至一萬五千斤又支過銀二萬五千五十兩此則支辦之費溢于舊額之外者御馬倉紅花子嘉  
靖四年坐派三石今加至一萬一千三百二石、艸嘉  
靖元年派四十一萬一千四百三十四束、菜荳嘉靖十二年  
百六十八萬一千二百七十二束、菜荳嘉靖十二年  
派七百五十石今加至一萬五千石、惜薪司白熟梗

米嘉靖十二年、派一十五石、今加至一百六十五石、  
內象房大麥、嘉靖五年派一百石、今加至八百六石、  
甲丁二庫顏料、弘治十年會派四十四萬二千八百  
二十斤、張副、今加至二百一十萬六千七百七十斤、張副  
又添買銀硃等料九十萬、或四十九萬八千斤、共支  
過五十三萬八千五百六兩、光祿寺果品、嘉靖元年  
奏派八十一萬二千四十斤、今加至一百七萬八千  
四十斤、又借支過太倉銀六萬兩、此則會派之數、溢  
于舊額之外者、而給事中謝登之等、又稱光祿寺日

辦十倍于前。尉役不下數千。匠作已浮十萬。由此觀之。不惟太倉屢乏。內藏亦已不充。國計若斯。臣等安得不任其咎。顧天地生財有限。而國家經費無窮。爲今之計。亦惟節之又節。推廣 皇上盛德大業。日新月盛。悠久無疆而已。天地節而四時成。聖人節而萬民化。伏望 皇上嚴勅該庫。并各監局。仰體 聖心。慎惜。將凡金珠寶石等項。加以撙節。一以嘉靖初年爲準。有餘收貯。奏下戶部。減派百姓。以昭儉德。以固邦本。以成嘉靖中興之治。爲子孫萬代法。仍聽戶

部遵照大明會典、正統八年事、廣東福建二布政司  
將折銀兩、依舊解京、轉發各邊折糴備用、禮部亦查  
光祿寺日辦酒飯錢糧廚役數目、一一明白備開應  
支應、減應革并應閑防節要、工部查各匠作請自  
上裁、著爲定制、則育之以仁、節之以禮、二帝三王之  
道、皇上已不遠于聖躬得之、而上給下足、內安  
外攘、唐虞三代之治、復見于今日矣、

一定顏料、惟我朝稽古建官、各有分職、錢糧掌于戶  
部、顏料掌于工部、此係舊制、載在諸司職掌、已有明

徵所以永樂宣德年來凡遇內庫顏料有缺俱行工部派買正統十一年間京師營造浩繁各省倉糧勾用朝廷合用顏料遂令于存留糧內折徵自此戶部接續承行蓋以錢糧掌于戶部故也其後各處糧米不勾支用一遇災傷該徵糧艸無從撥補戶部又盤庫內顏料數多積腐節奉成化二十三年弘治四年詔各處已徵顏料俱送工部交納不干糧米內折買又該戶部尚書周經等照諸司職掌請自弘治十三年爲始行移工部派納節奉孝宗皇帝旨你所



言有理都准行欽此欽遵訖至正德二年又該甲字庫右監丞孫鑑丁字庫少監楊恩經自奏准仍行戶部坐派一向未改緣前項顏料各省久已不干存留糧內折買而凡造作工程顏料有無緩急亦惟工部職掌其事備嘗知悉凡有坐派必當其用全與戶部泛然代徵者不同况一顏料工部既派戶部又派事涉重複緣于舊制似難遽以該庫一時陳乞中變合自嘉靖二十九年爲始除內府供用庫物料并光祿寺廚役戶部照舊會派外其原係工部職掌顏料俱

復舊制、仍行工部派納、庶幾申縮合宜、亦于體制不紊。

此段節冗官以養死士其論極正

一舍閔征、切惟國家用財、當節則節、當予則予、各視義之所存、初非一定、閔市之征、專待膳服、而漢宋以備邊臣養死士、每有入寇、輒先知之、故所備寡、而兵力不分、多者不過萬人、少者五六千人、厚之是也、漢初襲秦入粟拜爵、猶止虛名、未嘗真以臨民、其後開邸補官、綱紀蕩然、孝宗皇帝罷之、深得大易理財正辭、禁民爲非之義、罷之是也、今邊師久暴、國用屢

誦而徵調分布、動連三時、無所不寡、皆不知敵情之故、比至空乏、又請開例納粟補官、既襲名器、尤厲民命、非所宜于堯舜之世、而文思院原額官六員、今支絹俸官七百七十五員、皮作局原額三員、今支絹俸二百四十一員、鴻臚寺鳴替等官、原額四十六員、今支絹俸一百十五員、舉此一項、其他可知、臣等竊爲省之便、伏乞聖明特罷開納之令、永崇省約之風、勅下五府六部百司庶府、各圖節用、愛人取分、職所及、冗食濫費、但傷財害民者、逐起查明、區畫條奏、

裁革減省。一准嘉靖初政。以漸盡復。祖宗之舊。而遼東見有互市八里舖等稅。保定有紫荆關等稅。薊州見奏開山海關等稅。并各商稅。未經開報。戶部知數去處。通行巡按御史勘明。奏下戶部斟酌中數。請給各該督撫等官。另項收貯。專事間諜。爲必得賊情之計。如或各鎮關市。征入無幾。戶部仍查壽州正陽。荊州沙市等稅。解發奏給。賊情旣得。兵機自豫。邊計日省。物力漸寬。兵食各足。而民亦信之矣。

一懷永圖。切惟我朝沿邊列鎮屯兵禦戎。自來非不

戰守非無請發而太倉訕乏未有至于此極者衆議雖謂近年召募太多食之者衆留屯太少生之者寡按伏太早用之者疾奏掣太遲爲之者舒以此致之理固有之但兵以衛民非以病民使能一勞永逸宜無不可者顧今連八九鎮歷十餘年之久歲歲奏討在在修築而又書生手執亦謂軍人帥債家資皆出糧料則亦不能不至愈增而愈訕耳昔漢趙克國討先零羌宋范仲淹討趙元昊皆以期月三歲必殄滅虜爲期當時尤或難之至下詔書責問數肆而師久

暴則國用不足。尤兵法所深忌。今各督撫大將奉特  
簡鎮巨邊。安夏攘夷。蓄奇有日。豈其視物力殫絀。若  
此。愬焉曾不思爲之所乎。皇上幸加惠垂聽。臣等  
申勅邊臣。各務體國如家。撫卒如子。畢奮智勇。以時  
禁暴。宋熹所謂天下國家之大務。莫大于恤民恤民  
之實在省賦。省賦之實在治軍者。此其義也。

皇明經世文編卷之終

皇明經世編

濟南縣疏

屯兵

三

平露堂

皇明經世文編卷之一百九十九

華亭

陳子龍臥子 宋徵璧尚木

選輯

徐孚遠闇公 李 雯舒章

宋家禎善先泰閣

潘簡肅公集

疏

潘 潢

查核邊鎮主兵錢糧實數疏

主兵錢糧

計開

此會詳第三疏也

一宜府主兵錢糧查得先於嘉靖十年該巡撫宣府

都御史劉源清奏該戶部會官查得本鎮各項支用該銀九十一萬三千二百五十兩八錢零除支給外少銀八萬九千四十五兩五錢零已經題派存積鹽一十四萬一千九百六十七引八十六斤并銀三萬六千八百九十三兩補足訖嘉靖十一年戶部又議通加額鹽七萬引該銀二萬六千六百兩今查本鎮歲入本折稅糧河南布政司該銀一十四萬六千七百二十六兩四錢山東布政司該銀二十四萬四千二百一十一兩山西布政司該銀八萬七千一百五



十五兩真定府二萬四千四百七十兩保定府二萬  
五千五百五十兩大名府六萬七千四百六十二兩  
河間府一萬五千九百七十五兩順德府一萬八千  
九百四十兩廣平府二萬八千九百五十兩順天府  
三千五百兩戶部年例銀八萬兩河東運司鹽價銀  
八萬兩歲該鹽引并補不敷銀共一十一萬五千六  
百四十五兩共該銀九十三萬八千五百八十四兩  
四錢加以本鎮屯田糧六萬二千三百二石草一十  
六萬七百三十二束五分地畝原額并新增起科細

皇明經世編

卷之三

三  
二

四  
五

糧七萬二千七百九十八石三斗六升七合五勺七  
抄七撮六圭五粒草一十萬二千二百九束七分五  
毫團種糧九萬五千六百九十三石九斗六升草四  
萬三千五百五十六束六分七厘新增團種糧二萬  
一百九十二石二斗草一萬七千七百四十三束田  
務田糧一萬二千七百四十九石五斗五勺草四千  
二百八十二束新增稻田糧一千一百七十八石九  
升二合驛傳田糧一千五百八十四石草六百二十  
二束牧馬草場子粒四千七百八十三石五斗三升

七合七勺，共該糧二十七萬一千二百八十一石六斗五升七合七勺七抄七撮六圭五粒，每石以七錢折算，該銀一十八萬九千八百九十七兩一錢六分四毫零，草三十二萬九千一百四十五束八分七厘，每束以三分折算，該銀九千八百七十四兩三錢七分六厘二毫，通共歲入該銀一百一十三萬八千三百五十五兩九錢三分六厘六毫九絲零，據嘉靖二十八年邊儲簿，實在官軍八萬二千九百七十四員名，馬騾驢二萬八千六百九十三匹頭，依嘉靖十年

歲用加以查盤給事中李文進奏內二十一等年募  
補新軍共該本折糧折草束銀一百四萬三千一百  
八十八兩八錢較其實數該剩銀九萬五千一百七  
十五兩九錢三分六厘零又查兵部咨送總兵官奏  
開實在官軍五萬六千三百員名巡撫官奏開見在  
堪中馬三萬四百匹頭比邊儲簿少軍二萬六千六  
百七十四員名多馬一千七百七匹照依本鎮折放  
則例每軍月糧一石折銀七錢每馬日支料三升春  
冬六箇月該料五石四斗每石折銀六錢所少軍該

扣糧銀二十二萬四千六十一兩六錢所多馬該給料銀五千五百三十兩六錢八分前項歲用之數扣糧扣料該銀八十二萬四千六百四十九兩八錢該剩銀二十一萬八千五百三十兩九錢通前該剩之數歲入共多銀三十一萬三千七百六兩零但據本鎮巡撫李良又奏新募軍六千名馬六千匹又該糧料銀九萬四千七百七十七兩戶部已經題行管糧郎中一面支給巡按御史查勘未報今既查有前項剩銀就准除作數歲入止該多銀一十一萬八千九

百三十六兩五分零。又查宣府前等衛所原額屯地子粒二十五萬四千三百四十四石四斗。今止有屯糧六萬二千三百石。先年歲有備冬草四十三萬九千五百二十束。秋青草九萬六千五百五十束。今皆缺數。相應查理。

一大同主兵錢糧。查得先於嘉靖十年。該巡撫大同都御史蔡天祐奏開本鎮官軍五萬五千八十餘員。名冬操夏種土兵舍餘三千五百四十餘名。馬驢騾二萬一千八百八十餘匹頭。共該歲用銀九十九萬

二千四百六十餘兩尚不敷支該戶部會官查得本鎮歲入通共銀七十七萬五千一百八十八兩七錢除支用過銀七十三萬三千五百九十八兩外尚餘銀四萬一千五百九十兩五錢不須補給茲嘉靖十一年又該戶部通派鹽額七萬引嘉靖十七年又補本鎮不敷鹽四萬三千三百七十九引嘉靖十七年又准兵部咨召募軍二千名加銀四萬兩嘉靖十八年又准兵部咨召募新軍三千六百一十七名加銀一萬三千三百五兩嘉靖二十四年又該查盤給事

中李文進等奏開本鎮官軍六萬五千三百四十七員名嘉靖二十一等年召募撥補新軍二萬九百七十二名共該八萬六千三百一十九名見在馬二萬九千一百六十九匹北嘉靖十年會議之後多軍二萬七千一百九十九名多馬七千二百八十九匹戶部議加年例銀一十五萬四千二百五十三兩于內失扣本鎮原議剩銀四萬一千五百九十兩五錢又十七年十八年募軍糧銀五萬三千三百五十兩實多銀九萬四千八百九十五兩五錢二十五年又



該總督翁萬達召募軍一千五百名，戶部議加銀九千九百六十四兩五錢，又補不敷鹽銀一萬一千三百一十兩五錢。今查本鎮嘉靖十年原有官軍士兵合餘人等共五萬九千二十名，馬驢騾二萬一千八百八十餘匹頭。先該本部會議算該歲用銀七十三萬三千五百九十八兩二錢零，尚剩銀四萬一千五百九十兩五錢，已自足用外，加以十七等年召募并查盤官內多出軍馬，又該歲用銀一十六萬四千二百一十七兩五錢，通前共該歲用銀八十九萬七千

八百一十五兩一錢及查本鎮歲入山西布政司起  
運本鎮夏秋稅糧料豆二十九萬一千四百七十五  
石每石折銀一兩夏稅秋糧折布一十八萬二千五  
百五十疋每疋折銀三錢綿花絨八萬斤每斤折銀  
八分馬草二百四十四萬四千八百五十束每束折  
銀八分河南布政司夏稅小麥九萬六千石每石折  
銀四錢本鎮屯糧一十二萬七千七百二十一石零  
大約每石折銀八錢屯草一十七萬六千四百一十  
一束秋青草三十七萬二百一十束大約每束折銀

三分、各折不等共銀七十萬五千一百八十八兩四錢三分、京運年例銀兩額派并補不敷鹽一十一萬三千三百七十九引、該銀四萬四千一百八十五兩五錢募軍糧銀二十一萬三千二百六十九兩又補不敷銀一萬一千三百一十兩五錢通共歲入該銀一百四萬三千九百五十三兩四錢三分、除新舊軍馬歲用、算該用銀八十九萬七千八百一十五兩二錢尚多銀一十四萬六千一百三十八兩二錢三分、今據二十八年邊儲簿開、實在官軍八萬一千五百

二十九員名馬驢騾二一五千六百四十七匹比前查盤及節年召募少軍六千三名多馬一千二百三十二匹依本鎮折放則例每軍月糧一石折銀七錢每馬日支料三升春夏六箇月該料五石四斗每料一石折銀六錢所少軍該扣糧銀五萬二千八百三十六兩所多馬該扣銀三千九百一兩六錢八分二厘通前歲用該銀八十四萬八千九百七十兩八錢八分計該扣糧銀通前歲多銀一十四萬六千一百三十八兩二錢三分共該剩銀一十九萬四千九百

八十二匹五錢五分，又查兵部咨送大同總兵官秦  
開實在馬步官軍人等七萬八千八百九十九員名，  
巡撫官奏開見在原額新增助馬二萬八千四百七  
十二匹，比查盤并二十五年召募之數實在少軍八  
千九百二十名多馬四千五十七匹，所少軍該扣糧  
七萬四千九百二十八兩，所多馬該扣銀一萬三千  
一百四十四兩六錢八分，歲用共該銀八十三萬六  
千三十一兩八錢八分，比歲入該剩銀二十萬七千  
九百二十一兩五錢五分，又查得本鎮原額屯種各

色子粒五十一萬三千九百四石五斗五升零今止  
有屯糧一十二萬七千餘石至于秋青草束嘉靖十  
年尚有三十三萬九千五百餘束今該鎮止派一十  
七萬四百一十束應漸查復原額

世廟時各邊增上束客兵額多千萬惟遼東不增後  
一遼東主兵錢糧查得先于嘉靖十年該巡撫都御

該部行各邊查核議行減汰李司馬為遼撫時上疏

史潘珍奏開本鎮官軍人等七萬四百五十一員各

爭之今觀此數遼額果無增加也

馬騾四萬九千九百六十一匹頭總計歲糧料賞賜

俸鈔通該銀三十九萬四千八百七十餘兩歲入不

穀歲用該戶部會官查得本鎮歲入共銀三十五萬

五千九百六十五兩秋青草三百五十八萬五千二百六十束、除支用外、尚餘草一百五十六萬二千三百二十八束、歲支少銀二萬四千一百三十九兩、已經奏派淮浙引鹽補足訖、嘉靖十一年、又該戶部開派額鹽七萬引、嘉靖二十二年、又該巡撫遼東都御史孫禴奏開漆河東遊兵三千名馬三千匹、戶部題發太倉銀一萬四千九百四十兩、嘉靖二十四年、又該巡撫遼東都御史董珊奏新派軍五百名馬二百匹、戶部題發太倉銀二千一百六十六兩、嘉靖二十

五年、又該戶部題加歲用不敷鹽銀一萬一百一十兩五錢嘉靖二十六年、又該巡撫遼東都御史於敖奏召募軍二百五十名、馬二百匹、戶部議於山東常運銀內支給、該銀一千二百四十五兩嘉靖二十八年五月內、又該巡撫都御史蔣應奎奏新添軍三千二十九名、馬三千三十八匹、戶部題發太倉銀一萬五千九十四兩一錢四分、又該巡按山東御史徐洛奏新添堡軍二百八十七名、戶部議於山東常運銀內支給、該銀一千一百二十五兩三錢嘉靖二十九



年又該都御史蔣應奎奏新添馬八百匹戶部議于山東常運銀內支給該銀八百六十四兩又該御史徐洛奏新添墩臺軍三十五名戶部議于山東常運銀內支給該銀一百一十四兩四錢以上節年召募新軍七千一百一名馬七千二百三十八匹連嘉靖十年奏數共該官軍七萬七千五百五十二員名馬騾五萬七千一百九十九匹頭該歲用銀四十三萬四百一十八兩八錢四分今查本鎮歲入山東布政司布花麥鈔草價銀一十三萬三千三百九十二兩

皇明經世編

卷之三

十

二錢山東運司鹽折布并民佃灶地銀一萬六千三百八十四兩三錢二分直隸永平府戶口食鹽折鈔銀一千一十三兩一錢地畝花絨折銀二十三兩三錢本折屯田折紬一十六萬六千九百八十七石五斗照依折放則例每糧一石折銀二錢五分共該銀四萬一千七百四十六兩八錢七分屯田豆一十一萬八百一石四斗五升八合照依本鎮折放例每豆一石折銀二錢共該銀二萬二千一百六十兩二錢九分草價銀五千四百六十二兩四錢豆價銀四千

七百三十四兩魚課銀八百五十八兩七錢五分、鹽  
課銀三百三十九兩一錢、葦炭銀原額三百兩、課程  
銀三千七百八十七兩三錢三分、鹽糧柴蓆銀八百  
七十五兩六錢八分、均徭役修邊夫銀三萬四千四  
百三兩一錢六分、屯草五百九十四萬六千三百三十束  
秋青草四百八十七萬束、戶部每年運送年例銀一  
十五萬兩、募軍糧銀三萬二千二百兩一錢、開派引  
鹽一十一萬二千五百七引、該銀四萬一千一百五  
十三兩五錢、補不敷銀一萬一百一十兩五錢、通共

歲入該銀四十九萬八千九百四十四兩七錢本色  
草一千八十一萬六千三百三十束除新舊官軍歲用該  
銀四十三萬四百一十八兩八錢草三百八十七萬  
三千一百四十六束尚剩銀六萬八千五百二十五  
兩八錢九分草六百九十三萬七千四百八十四束  
又據邊儲簿開官軍八萬一千四百四十三員名馬  
騾六萬一百二十八匹頭比嘉靖十年及節年募數  
共多軍三千八百九十一員名馬騾多二千九百二  
十九匹頭卽以前項支剩銀兩給之照依本鎮折放

則例每糧一石折銀二錢五分料一石折銀二錢賞  
賜布每疋折銀二錢花每斤折銀五分共該糧銀一  
萬一千六百七十三兩料銀三千一百六十三兩三  
錢布花銀一千八百九十七兩二錢共該銀一萬六  
千七百三十三兩五錢二分通前歲用四十三萬四  
百一十八兩八錢共該銀四十四萬七千一百五十  
二兩三錢六分尚剩銀五萬一千七百九十二兩三  
錢又查兵部咨送遼東總兵官奏開實在官軍七萬  
二千七百四十員名行太僕寺奏開實在馬六萬一

千八百四十六匹、比之前數、少軍四千八百一十二員名、馬多四千六百四十七匹、所少軍該扣糧銀一萬四千四百三十六兩布花銀二千三百四十五兩八錢五分、所多馬該扣料銀五千一十八兩七錢通前歲用扣糧加糧、其該歲用銀四十一萬八千六百五十五兩二錢五分、歲入尚剩銀八萬二百八十八兩九錢八分、又查得本鎮原額屯糧子粒七十一萬六千一百七石六斗三升四合二勺、相應查復、

一延綏主兵錢糧、查得先於嘉靖十年、該巡撫都御

史蕭奏准開本鎮官軍并各屬官吏陰醫墩軍夜不收人等共四萬一千四百五十一員名騎操馬匹并走遶騾頭一萬七千四百二十六匹頭歲派不足該戶部會官查得本鎮歲入通計民屯本色糧料一十四萬五千四百四十石一斗六升草一百萬二千七百五十七束折色并年例銀共二十四萬七千六百五十八兩二錢三分除各項支給外歲支尚少糧料草銀三萬三千八百八十九兩零已經題派存積引鹽八萬七千二百七十八斤補足訖嘉靖十一年又

該戶部通開額鹽七萬引該銀二萬八千三百五十兩嘉靖十八年該陝西巡撫都御史任洛奏募軍三千名馬三千匹戶部議發銀二萬兩又開派存積鹽引二萬七千五百二十兩嘉靖二十二年又該延綏都御史張聰奏募軍三千名馬三千匹戶部議發銀二萬兩又開派鹽引銀二萬七千五百二十兩二十三年又該張聰奏募軍三千名馬三千匹戶部議發銀二萬兩又該派鹽引銀二萬七千五百二十兩二十五年又該戶部題補不敷鹽銀四萬八千八百二



十三兩五錢二十六年又該延綏巡撫楊守謙奏募  
軍五百八十八名戶部議發銀五千四百六十八兩  
四錢二十七年又該楊守謙奏募軍五百名戶部議  
發銀四千六百五十兩又該楊守謙奏募軍九百名  
戶部議發銀八千三百七十兩二十八年又該楊守  
謙奏募軍八百名馬七百匹戶部議發銀三萬七千  
一百九十兩二錢二分以上新增募軍一萬一千七  
百八十八名馬九千七百匹該歲用本折糧料銀一  
十九萬八千二百三十八兩通前嘉靖十年會議之

數共該官軍人等五萬三千二百三十九名、馬驢騾  
二萬七千一百二十六匹頭、嘉靖十年、歲用本色糧  
料一十五萬五千七百二十九石三斗、折色糧料銀  
二十七萬四千八百三十五兩三錢九分、本色草一  
百五萬五千三十二束、今加新募軍糧料等銀一十  
九萬八千二百三十八兩六錢二分、通共歲用該銀  
四十七萬三千七十四兩一分、本色糧料一十五萬  
五千七百二十九石三斗、草一百五萬五千三十二  
束、及查本鎮歲入、陝西布政司本色稻粟米麥、共六

萬九千二十一石九斗料一萬二百八十三石六升  
折色粟米小麥一十九萬一千四百五十七石二斗  
九升料二萬五百二十三石七斗四升各折不等共  
折銀一十八萬四千六百五十八兩二錢三分木色  
馬草五十五萬二千八十六束河南布政司起運本  
鎮夏稅布四萬疋每疋折銀三錢料三萬石每石折  
銀七錢共折銀三萬三千兩本鎮屯糧六萬六千一  
百三十五石一斗八升九合二勺屯草七萬三千二  
百一十一束秋青草三十七萬七千四百六十束戶

部歲運年例銀三萬兩新增募軍糧銀一十一萬九千二百七十八兩六錢五分、額派并補不敷存積鹽引二十二萬六千四百八十二引、該銀九萬七千三百七十五兩五錢又補不敷鹽銀四萬八千八百二十三兩五錢通共歲入本色糧料一十四萬五千四百四十石一斗六升九合二勺、本色馬草一百萬二千七百五十七束、折色糧料布銀二十一萬七千六百五十八兩二錢三分、京運年例募軍鹽引補不敷銀二十九萬五千四百七十七兩六錢五分、共該銀

五十一萬三千一百三十五兩八錢八分內除歲用  
本色不記外于各塩引銀內扣銀三萬三千八百八  
十九兩補足嘉靖十年會議原少歲用之數連新增  
募軍糧料銀兩新增官軍歲用約折該色糧料銀四  
十七萬三千七十四兩一分尚剩銀六千一百二十  
二兩八錢七分及據邊儲簿官軍四萬四千三十六  
員名馬驢二萬五百五十七匹頭比嘉靖十年會數  
及節年召募新軍小軍九千二百三名少馬六千五  
百六十九匹頭及照本鎮節年募軍每軍三千名馬

三千匹、奏加糧料草銀四萬七千五百二十兩、今少軍九千二百三員名、馬六千五百六十九匹頭、照前例則大約扣該銀一十二萬三千七百八十八兩七錢六分、歲用止該銀三十四萬三百九十七兩九錢九分、連前剩銀六千一百二十二兩八錢七分、并該扣銀歲入共該剩銀一十二萬九千九百六十一兩六錢三分、又查兵部咨送延綏撫鎮官奏開實在官軍四萬二千九百九十七員名、見在馬二萬二千八百一十四匹、比嘉靖十年及新募軍之數、少軍一萬

二百四十二員名、少馬四千三百十二匹、每軍月糧一石、每馬日支料三升、春冬六箇月該料五石四斗、照依本鎮折放則例、每糧一石、折銀七錢、每料一石折銀六錢、該扣糧料銀十萬三千七百六錢八分、歲用又止該折色銀三十七萬三千七百三錢三分、共剩銀一十萬六千一百七十六兩五錢五分、但據巡撫楊守謙二次又奏募軍一千七百一十五名、每年該銀一萬五千九百四十九兩五錢、戶部已經題行管糧郎中一面支給、巡按御史查勘未報、今既查有前

皇明經世編

潘節肅集

卷之三

七

平露堂

項剩銀就應准除作數歲入止該多銀九萬一百七十二兩八錢七分又查近該山東等道御史曾佩等題開延綏額徵稅銀一十五萬兩陝西河南額解折銀二十三萬兩比對本鎮前項派數共多銀一十六萬二千三百四十一兩八錢七分相應徵催奏報一寧夏主兵錢糧查得先於嘉靖十年該巡撫寧夏都御史昆陽奏開本鎮官吏旗軍出哨夜不收守墩備禦官軍通共四萬一千六百一十四員名騎操走馬驢共二萬一千八百八十七匹頭歲用該支糧



料五十一萬四千四百八十五石五斗，草三百九十  
三萬九千六百六十束。該戶部會官查得本鎮各項  
支用，除本色糧草并支過折色銀外，尚餘草二萬九  
千六十五束，少銀二萬四千一百五兩零。糧料一十  
三萬四百五十八石，大約每石折銀六錢。該銀七萬  
八千二百七十四兩，除餘草折銀抵補外，通共少銀  
一十萬一千五百八兩。已經題派淮浙等鹽二十四  
萬二千一十六引補足訖。嘉靖十一年，又該戶部議  
通派鹽七萬引。今查本鎮歲入，陝西布政司夏稅小

麥五萬六千九百三石、秋糧米六萬一千八百一十二石、稻米一千九十石四斗、黑豆一萬三千六百石以上各折不等共折銀十二萬九百五兩五分、夏稅折布小麥四千二百石、秋糧折布黑豆六千二百石、每五斗折小綿布一疋、共折布二萬八百疋、每疋折銀三錢、共折銀六千二百四十兩、馬草一十六萬一千二百四十束、每束折銀三分、共折銀四千八百三十七兩二錢、本鎮屯糧一十七萬五千九百四十六石、屯草二十三萬二百束、秋青草二百六十三萬八

十束、每糧一石、折銀六錢、草每束三分、共折銀一十九萬二千三百七十六兩、戶部年例銀四萬兩、補歲用不敷、鹽銀四萬二千五百一十八兩、開派引鹽銀八萬七千九百九十兩、歲入本折、通共銀四十九萬三千八百六十六兩二錢五分、除鹽引并補不敷銀內、扣銀一十萬一千五百八兩、補足嘉靖十年議欠之數、尚剩銀二萬九千兩、及據邊儲簿開、實在官軍三萬一千八百九十員名、馬驢一萬三千三百四十三匹頭、比嘉靖十年會數、少軍九千七百二十四名、

少馬八千五百四十四匹、每軍月糧一石、每馬日支料三升、春冬二季、共料五石四斗、照依本處折放則例、糧每石折銀六錢、料每石五錢、共該扣糧料銀三十七萬一千七百八十四兩六錢五分、通前該剩銀一十二萬二十八兩六錢、又查兵部咨送寧夏撫鎮官奏開、本鎮馬步城操舍餘土兵、及備禦官軍三萬九千三十九員名、見在馬一萬一千九百四十九匹、比邇儲備多軍七千一百四十九名、加糧銀五萬一千四百七十二兩八錢、少馬一千三百九十四

匹該扣料銀三千七百六十三兩八錢連前邊儲簿  
算共多銀七萬四千三百七十二兩六錢歲用該本  
折銀四十一萬九千四百九十六兩六錢五分又查  
得本鎮所屬寧夏等六衛屯田子粒三十二萬二千  
七百二十二石二斗七升九合四勺今本鎮屯糧止  
開一十七萬五千九百四十六石應漸處補

一甘肅主兵錢糧查得先于嘉靖十年該巡撫甘肅  
都御史唐澤奏本鎮官軍并冬操人等四萬二百四  
十五員名騎操并走遘馬驢騾二萬四千九百一十

九匹頭歲入不勾歲用該戶部會官查得本鎮歲用糧一十四萬九千一百四十九石四斗料七萬九千八百四十一石五斗草三百五十一萬二百二十束折色銀三十八萬九千八百二十一兩五錢除支給外尚餘草五十五萬一千九百四十束少銀四萬九千九百三十二兩已經題派存積鹽一十二萬五千七百二十引補給訖嘉靖十一年又該戶部添開額鹽一十五萬引嘉靖二十四年又該巡撫都御史趙錦等奏募軍二千四十七名戶部該發銀二萬兩開

中淮浙鹽銀三萬二千六百八十一兩一錢又補不  
敷鹽銀三萬四千四百六十三兩二錢四分今查本  
鎮新募官軍二千四十七名連前嘉靖十年奏數四  
萬二百四十五員名共四萬二千二百九十二員名  
舊有馬驢二萬四千九百一十九匹頭除歲用本色  
糧料外該折色銀三十八萬九千八百二十一兩  
五錢加新增募軍銀五萬二千六百八十一兩二錢  
四分通共四十四萬二千五百二兩七錢四分及查  
本鎮歲入陝西布政司夏秋本色小麥粟米共五千

三十四石、黑豆二百五十七石九斗、折色小麥粟米  
二十六萬三千六百八十七石、豌豆一萬二千八百  
九十八石、以上各折不等、共銀二十六萬四千四百  
一十九兩二錢、折布稅糧三萬二千五百七十二石、  
黑豆三千四百三十石四斗、二項每五斗折小絹布  
一疋、共布七萬二千五疋一丈、折銀一萬八千一兩  
二錢五分、腳價銀一萬七千五百兩、本鎮屯糧二十  
一萬三千三百八十石、屯草四百六萬二千一百六  
十束、秋青艸二百一十八萬七千五百四十束、京運



年例銀六萬兩、新募軍銀二萬兩、開派引鹽銀一十萬三千五百兩、補不敷鹽引三萬四千四百六十三兩二錢四分、以上通共本色民屯糧料二十一萬八千六百七十三石七斗、本色草六百二十四萬九千七百束、折色銀五十一萬七千八百八十三兩六錢九分、除新舊官軍馬匹、歲用本色糧一十四萬九千一百四十九石四斗、料七萬九千八百四十一石五斗、算該剩銀六萬九千二百六十四石六斗、少料七萬九千五百八十一石八斗、扣糧補料價尚有餘折

色銀四十四萬二千五百二兩七錢四分該剩銀七萬五千三百八十兩九錢五分及據嘉靖二十八年邊儲簿開官軍三萬九千八百八十二員名馬驢牛一萬八千二百六匹頭隻比之嘉靖十年并二十四年召募新軍之數少軍二千四百七十員名少馬六千七百一十三匹每軍月糧一石每馬日支料三升春冬二季共料五石四斗照依本鎮折放則例糧每石折銀七錢共銀二萬七百四十八兩料每石折銀六錢共銀二萬一千七百五十兩一錢二分折少軍

馬名數其該扣銀四萬四千四百九十八兩一錢二分通前剩銀七萬五千三百八十兩九錢五分共多銀一十一萬七千八百七十九兩七分糧九千一十八石七斗又查兵部咨送甘肅撫鎮等官奏開本鎮實在官軍三萬九千六百七十六員名實在馬一萬六千一百五十四匹比邊儲簿內少軍一百四十六名少馬二千五十二匹共該扣糧料銀七千八百七十四兩八錢八分歲用止該折色銀三十一萬六千七百四十八兩七錢九分歲入共多銀一十二萬五

千八百五十三兩九錢五分又查得甘州等衛所額  
該屯地一萬一千六百九十一頃五十畝各色子粒  
六十萬三千一百八十八石四斗二升五合今屯糧  
止有二十一萬三千三百八十石舊辦秋青草九百  
萬束今止有二百六十三萬八千束相應催辦

一山西主兵錢糧查得先于嘉靖十年該巡撫山西  
都御史劉大謨奏開本省歲用王府祿糧官吏師生  
俸廩軍士孤老月糧又有上班官軍民壯行糧及調  
客兵糧餉大約每歲共用一百五十四萬七千一百

一十九石七斗八升六合，歲徵比歲用實少一十五萬一千八百八十七石五斗九升二合，該戶部會官查得山西布政司歲額稅糧一百六十萬五千七百四十六石零，銀九萬一百六十八兩零，本鎮官吏旗軍人等支用該糧四十三萬六千三百一十四石，連王府祿糧支用共一百二十九萬三千一百六十萬零，尚餘糧三十一萬二千五百八十六石零，銀九萬一百六十八兩零，又祿糧徵收本色每石以五錢六錢放支，共該扣積銀一十一萬四千二百四十五兩。

零通共餘銀二十萬四千四百一十二兩零、糧三十萬二千五百八十一石零、難議補給訖嘉靖二十年該巡撫山西都御史陳講等奏、新募軍五千名、馬二千匹、戶部議派兩淮等鹽一十四萬三千五百五十引、該銀五萬八千七百一十兩嘉靖二十一年、該巡撫山西都御史劉臬奏稱掣回大同班操官軍七千二百五十二員名、并神池等墩召募新軍二千二百名、補足各官營騎操馬五萬七百六十四匹、戶部議門監一十萬五千七百一十一引、該銀四萬八千九

百九十八兩八錢五分嘉靖二十二年准兵部咨大  
原等處募軍一萬二千名馬五千五百匹戶部議加  
銀九萬九百二十四兩嘉靖二十三年該山西巡撫  
都御史李珏奏募軍三千三百名馬二千三百匹戶  
部議加銀三萬兩嘉靖二十五年該巡撫山西都御  
史曾銑奏新募游兵三千名馬三千匹戶部議加銀  
四千八百五十兩一錢三分六厘二十五年又加補  
不敷鹽銀四萬八千九百六十五兩三錢五分六厘  
今查得本鎮節年召募并掣回官軍共三萬二千七

百五十二員名馬一萬八千五百六十匹共該用銀二十七萬六千六百八十二兩九錢八分六厘連前項嘉靖十年會議本鎮各項歲支該本色糧四十三萬六千三百一十四石零照今邊開本折支放則例每石七錢該銀三十萬五千四百一十九兩八錢共該歲用本折銀五十八萬二千一百二兩七錢八分六厘本鎮歲入本省稅糧內除起運大同并王府及腹裡倉糧外起運代州偏頭寧武雁門等各城堡倉場庫夏稅本色麥五萬一千六百八十石七斗照依



該鎮派冊則例每石一兩算該銀五萬一千八百六十兩七錢存留本色麥豆共一萬八千八百二十九石二斗每石八錢算該銀一萬五千六十兩三錢六分起運秋糧本色米一十六萬五千五十三石二斗每石一兩算該銀一十六萬五千五十三兩二分存留本色米四萬七千六百五十三石四斗每石八錢算該銀三萬八千一百二十一兩九錢二分起運折色布四萬二千三百二十六疋准米四萬二千三百二十六石每疋折銀三錢算該銀一萬二千六百九

十七兩八錢花一萬九千二百三十六斤准米一千  
九百二十三石六斗每石折銀八錢算該銀一千五  
百三十八兩八錢八分起運草一百三十六萬四千  
二百七十六束九分八厘每束八分算該銀一十萬  
九千一百四十二兩一錢六分本鎮屯糧一十一萬  
一千一百三十四石八斗每石照存留民糧八錢算  
該銀八萬八千五百七兩八錢四分新增折色銀三  
百四十五兩八錢民佃屯糧三千九百四十三石六  
斗零每石八錢算該銀三千一百五十四兩八錢八

分牛具銀四百七十二兩三錢河東運司止餘鹽價  
銀七萬五千二百八十三兩二錢戶部年例并募軍  
銀共一十六萬八千九百七十四兩一錢三分六厘  
開派引鹽一十四萬八千一百八十一引三十三斤  
九兩一錢八分該銀五萬八千七百四十三兩四錢  
九分六厘補不敷鹽銀四萬八千九百六十五兩三  
錢五分四厘通共該歲入銀八十三萬八千三百二  
十五兩二分六厘本鎮歲出除將嘉靖十年會議數  
內王府祿糧不計外新舊官軍人等歲用本折銀五

皇明經世編

卷之三

三

平露堂

十八萬二千一百二兩七錢八分六厘、尚該剩銀二十五萬六千二百二十二兩二錢四分、但查兵部咨送山西總兵官、奏開代州雁門等處操臨操冬操夏種禦冬官軍舍餘、實在三萬九千七百九十八員名、太僕寺奏開實在馬騾一萬四千四十三匹頭及查邊儲簿開、實在官軍三萬七千八百一十八員名、馬騾一萬一千七百一十四匹頭、比兵部數內少軍一千九百八十名、少馬二千三百二十九匹、照今本鎮折放則例、每糧一石、折銀七錢、該銀一萬六千六百

三十二兩、每料一石、折銀六錢、該銀七千五百四十  
五兩九錢六分、共該扣糧料銀二萬四千一百七十  
七兩九錢六分、歲用止該五十五萬七千九百二十  
四兩八錢三分六厘、共該剩歲入銀二十八萬四百  
兩二錢六分、又查山西都司所屬衛所屯種地一千  
一百二頃一十畝、各色子粒二十五萬七千七百四  
十六石五斗六升、秋青草束先年四十二萬四千六  
百六十六束、今屯種止有一十一萬一千一百三十  
四石八斗、秋青草束尤不及數、相應查理、

一薊州主兵錢糧查得先于嘉靖十年該巡撫薊州都御史汪玉奏本鎮官軍四萬二千九百員名馬一萬五千匹每年尚少月糧二萬石折絹布銀五千餘兩合添年例銀二萬兩該戶部會官查得本鎮各項支用除本色鈔貫外支過本色糧料二十萬一千六百七十四石二斗草二十五萬四千三百一十二束折色銀二十萬一千四百三十八兩八錢六分尚餘本色米四萬七千五百二十五石八斗銀一萬五千五百二十一兩一錢四分本色絹二千一百三十九

疋一丈二尺歲派錢糧既有盈餘難議加補嘉靖二十七年亦據戶部管糧郎中張松呈稱見收貯在庫銀兩尚多年例乞且住解今查本鎮歲入兌軍價運本色米六萬石民兌軍屯本色米豆一十四萬九千二百餘石草九萬七千六百四束漕運折色米一十八萬石該銀一十四萬兩山東等處起運山海倉小麥一千二百七十五石每石折銀八錢共銀一千二百兩德州常盈倉庫收撥薊州庫夏稅綿布一千六百疋每疋折銀三錢共銀四百八十兩人丁絲絹四

千八百一十七疋一丈二尺三寸每疋折銀七錢共銀三千三百七十一兩三錢五分山海倉粟米二萬二千四百九十三石每石折銀八錢共銀一萬七千九百九十四兩四錢喜峰口倉粟米八千九百二十石每石折銀九錢共銀八千二十八兩黑豆二千五百石每石折銀八錢共銀二千兩薊州庫秋糧綿布一萬疋每疋折銀三錢共銀三千兩綿花絨二萬五千三百斤每斤折銀六分共銀八百一十八兩德州常盈庫收撥薊州庫綿布一十二萬疋每疋折銀三



錢共銀三萬六千兩、綿花絨九萬六千五百斤、每斤折銀六分、共銀五千七百九十兩、順天府存留薊州草一百一十四萬八千四百四十二束、永平府存留薊州草三十萬二千七百四十二束、每束折銀二分五厘、共折銀三萬六千三百一十七兩一錢、薊州等衛所新增地畝銀一萬五千五百六兩九錢三分、秋青草折銀二千二百四十兩二錢、興州左等九衛所秋青草折銀九百四十九兩、地畝銀三千三百一十兩、稅課銀二百六十五兩二錢五分、戶部年例銀三

萬兩、通共歲入本色米豆二十萬九千二百石、草九萬七千六百八十四束、折色銀三十萬七千八十一兩二錢三分、及據邊儲備開官軍四萬七千八百五十三員名、馬一萬一千七百二十六匹、比之嘉靖十年會議之數、多軍四千九百五十三員名、照依本鎮則例、每石折銀五錢四分、共該加糧銀二萬六千七百四十六兩二錢、少馬三千二百七十四匹、每石折銀二錢五分、該扣料銀四千四百一十九兩九錢、比之嘉靖十年會數、每歲合用本色糧料二十萬一千

六百四十四石二斗，今除歲入本色米豆支用外，尚  
剩本色糧料七千五百五十五石八斗，合用本色艸  
二十五萬四千三百一十三束，除有支九萬七千六  
百八十四束，尚少本色草一十五萬六千六百二十  
九束，于民納折草銀內，支給三千九百一十五兩七  
錢二分五厘補足，并邊儲簿內所多軍該給糧銀二  
萬六千六百四十六兩二錢少馬扣料銀四千四百  
一十九兩九錢，通其歲用本色糧料二十萬一千六  
百四十四石二斗，本色草九萬七千六百八十四束。

折色銀二十二萬七千六百八十兩八錢八分五厘  
該剩歲入本色糧料七千五百五十五石八斗折色  
銀七萬九千四百兩三錢四分七厘又查兵部咨送  
薊州鎮實在官軍舍餘民人共五萬四百三十七員  
名見在馬二萬二千四百五十二匹比邊儲又多軍  
二千八百五十四名多馬一萬七百二十六匹照依  
本處折放則例該給糧料銀二萬八千四百三十三  
兩七錢於前支剩銀內撥補尚剩銀五萬九百六十  
六兩六錢四分七厘本色糧料七千五百五十八斗

一固原主兵錢糧查得先于嘉靖十年該巡撫陝西  
都御史劉天和奏開固原洮岷環慶兵備等道及防  
守西安臨鞏兵該官吏旗軍人等七萬六千九十三  
員名馬三萬二千九百一匹通共歲用糧料草束邊  
腹三十二衛所軍士應賞布花比歲派少銀三十七  
萬九千餘兩該戶部會官查得陝西布政司歲派固  
清洮岷環慶等處倉場兵該本色糧料三十萬八千  
一百八十八石零草一百五十萬九千七百一十六  
束折色銀一十三萬二千七百二十一兩六錢八分

零除前歲入草束外、將前歲入折色銀一十三萬二千三百二十一兩六錢八分零、每石以六錢放支、該得糧二十二萬一千二百二石八斗零、通連本色并折色、共該糧草束應賞布花共銀一十八萬三千二百四十三兩七錢四分零、皆因先年減去額糧三十三萬一千餘石、爲草三十二萬六千九百餘束、以此邊儲未充、今照該省錢糧歲用不敷之數、已有前項堪種拋荒地土糧草、應復原額、似難別議、訖嘉靖二十三年、該總督侍郎張珩奏于固原鎮戎等衛所排

選餘丁、召募軍士共二千名、議戶部發銀八千八百二十兩、二十五年、又該戶部議補不敷鹽銀一萬二千五百六十一兩、今查本鎮歲派民屯內、除折布米麥、該本色糧料二十六萬八千五百五十石五斗六升、民屯秋青草共一百五十萬九千七百一十六束、折色布花銀二萬九千五百五十五兩四錢二分五厘、折色糧料銀一十三萬二千七百二十一兩六錢八分、又昔荒今熟地畝銀七萬四千六百四十四兩、戶部年例銀五萬兩、加添募軍銀八千八百二十兩、

補不敷鹽銀一萬二千五百六十一兩開派鹽引三萬七千一百七十八引折銀一萬七千四百三十九兩比之嘉靖十年會數共加增銀一十六萬三千四百六十四兩尚欠歲用銀一萬九千七百七十九兩七錢四分但查嘉靖十年會奏舊有官軍并二十三年新召之數共該官軍七萬八千九十三員名馬三萬二千九百一匹今據邊儲簿開止有實在官軍一萬一千七百五十五員名馬驢八千六百四十四匹歲用本色糧料四萬三千一百二十九石二斗四升



本色草六十一萬二千七百六十三束、折色銀一十四萬八千一百四兩八分六厘、前項歲入該剩本色糧料二十二萬五千四百二十一石三斗二升、本色草八十九萬六千九百五十三束、折色銀一十七萬七千六百四十一兩一分九厘、又查兵部咨送固原鎮實在官軍二萬四千四百二十七員、名實在馬一萬五千五百一十六匹、比邊儲簿開多軍一萬二千六百七十二名、多馬六千八百七十二匹、每軍月糧一石、布二疋、花一斤八兩、每馬日支料三升、草一束、

春冬二季共料五石四斗草一百八十束通筭本色  
該糧料一十八萬九千一百七十二石八斗布二萬  
五千三百四十四疋花一萬九千八斤照依民運則  
例折放布每疋折銀二錢五分花每斤折銀五分共  
銀七千二百八十六兩四錢草一百二十三萬六千  
九百六十束每束折銀三分共銀三萬七千一百八  
兩八錢連邊儲算止該歲用本色糧料二十三萬二  
千三百二石四斗折色銀一十三萬三千二百四十  
五兩八錢一分九厘本色糧三萬六千二百四十八

石五斗二升、本色草八十九萬六千九百五十三束  
又查陝西都司所屬西安左等衛所屯田子粒三十  
六萬五千二百四十石五斗六升四合、今本鎮屯糧  
止有一十五萬五千四百五十九石、拋荒地土亦未  
勘復、相應查理、

賊情疏

賊情

據滁州申稱據亳州民壯馬見齋報拏獲強賊王大  
王張珙供稱賊首師尚照二王王千斤、差各頭目共  
統一萬騎要向鳳陽府刼掠高牆架一囚王、前搶南

皇明經世編

潘簡肅集

賦情

三

平露堂

京等語見今大賊在于馬永舖離亳州二十里等因  
又據滁州申稱吏李文高報有強賊一千餘人自百  
善驛來到本州西關放火燒燬房屋東關居民盡行  
棄家入城到部送司案呈到部查得先該巡撫左侍  
郎吳鵬咨巡按御史金澗手本各據鳳陽府申報賊  
師尚照等賊勢猖獗咨調池河守禦官軍策援臣等  
看賊勢縱橫已行各該營衛官兵利鋒器械操練人  
馬相機勦捕及行池河署指揮張摘撥屯操軍餘遇  
警前來鳳陽策應會本具題外今報劫掠宿州逼近

離江不遠南京根本重地相應亟爲防截臣卽於九月初一日會同南京內外守備五府六部九卿科道等官計議行移新江口坐營臨淮侯李廷竹把總指揮王銳領軍常川防守新江口地方把總指揮劉簡領水軍一千名戰船四十隻把總指揮凌芝領陸軍五百名把守尚和港把總指揮王領軍一千名戰船四十隻把守觀音港把總指揮陳勲領陸軍五百名哨總指揮劉貴領水軍五百名戰船二十隻把守上新河神機營坐營指揮程鵬領陸軍一千名把守龍

江關大教場小教場坐營指揮蔣欽領陸軍一千名  
防守內營把總指揮卞實領陸軍五百名防守觀音  
門仍移各院寺等衙門各堂上官右侍郎歐陽塾等  
各分督正陽等十三門又添撥軍士選委才幹軍職  
協守外城江東等十八門又咨巡撫應天都御史彭  
黠巡撫鳳陽都御史吳鵬各查所屬對江一帶險要  
六合縣瓜埠江浦縣毛塘上元縣秣陵關溧陽溧水  
句容各對江河口太平府采石鎮江府京口開安慶  
桐城滁州清流關來安縣和州昭關烏江橋楊州府

瓜州儀真。潁州。五河。泗州。盱眙。天長。各嚴督所屬分  
布官兵民壯。分定信地。設法防守。又咨南京都察院  
轉行巡屯御史。照前原題撥南京廣武飛熊英武龍  
江左天策錦衣等衛屯營防守附近州縣險隘去處  
又行南京太僕寺。就查撥各苑寄養馬匹。奏給見調  
河口新營官兵。其軍行給應行糧草料。咨南京戶部  
軍器鍋甕槽鑼各蓋各門蘆席竹木。咨南京工部。各  
照例處備。關給奏報。再照沿江津溢猥多。南京官軍  
有數。雖儘各營軍馬。猶慮分布不敷。而卽日盜賊蜂

起據稱要切高牆前搶南京事已十分危急以是臣等深念城池爲重不聽輕調一兵過江是固事守之

爲進日守江不盡

常顧事體有緩急著數有先後大凡人家禦寇必先謹持門戶始能保室家所以常有守江不如守淮之說况鳳陽已在淮南相距長江不遠若不于此致力直待寇至江濱方爲之計豈惟無及于事殆并天險與人共之故知出險方能守險而協守江北所以守南京也欲行南京內外守備官員一面選調各營把總指揮張壽松朱襄張勳各領京軍將江以北滁河



儀真等州縣要害去處用心設法把截軍行之始量  
加犒賞以壯上心仍乞 聖明軫念根本重地 勅  
下該部從長計議查照先年征勦劉六七等事例奏  
請簡命文武威望重臣准給旗牌統領精兵前來南  
京鳳陽等處嚴督所在官兵隨賊向往并力勦平以  
安地方而時下兵荒相仍定盜賊所由起令聽所司  
動支糧銀多方賑救死中求生仍照例給票招徠明  
懸賞格聽相擒斬以離其黨又申勅巡撫湖廣江西  
等都御史先事設備免致賊出不意順流而下乘虛

爲患、惟復別有定奪、伏乞聖裁、

留務疏

留都

謹題臣等看得蘇松倭寇甫寧、通泰仍稱猖獗、而泰安、歸德等處警報又止、一日總至、加之河北水患、未息、江東旱勢、方殷、將來所在竊發、尤恐出于意外者、急則治標、舍兵與將、奚以哉、謹按法兵無選鋒、曰北而周官四時教戰、謂之軍禮、所以成化弘治、正德年間、京營每大閱兵、輒申戒各該坐營等官、不許占愴、隱匿沮撓、以爲定例、今南京兵弱已甚、乞勅兵部查

果簡衆練卒是爲今日機務之急申明舊規奏命南京內外守備并臣等科道官將各營衛軍公同逐一揀選分別頭撥次撥三撥明白行各隊伍自下而上從少至多分投練銳務體人情日止一教及格卽已使得以其餘力治生樂學自然漸至一教成十十教成百百教成千千教成萬臣等又隨時掣隊校閱分別勸懲以審異而致同照例就動支本部地租草場銀兩激賞成就仍乞量給欽限責其實效俟稍有次第臣等品定各官勤惰連已教習過技藝精粗支過

用銀兩數日、通行造冊奏繳、則不出年餘、精兵長技脫穎而出、向來驕惰之習、或當一變、臣故一日練兵、學在兵、率先在將、故有勝將必無弱兵、知訓兵而不知擇將、是猶務學不務求師也、今營中將略無幾、而南京五軍都督府僉書類多員缺、一遇調發、倉皇失措、合從兵部博選兼資謀勇、曾經戰陣人員、查將前缺以次推補、使以時卽所部振作撫摩、講熟韜略、其操備漕牧之任、酌取宋慶曆間西鄙故事、非精神可折衝者、不在茲選、則雖未必算計見效、而猛虎在山

藜藿爲之不採、直聲所被、淮南亦將寢謀、比之往者  
臨危借才乎異省、姑試於庸流、石堅馬澄、至今爲刺  
自當有間、臣故曰選將、兵要在先、附民而容民、所以  
畜衆、是故仁人之兵、與民同欲、今東南民力已竭、所  
在猶竭澤漁、失今不畜、獸窮且攫、有如晉之孫恩、唐  
之袁晁、宋之方臘等、豈必賊至而後能爲患哉、謂宜  
申飭有司、明戒掊克、一意在民、以爲深根固本之計、  
而又設險阻、歛積聚、聯保伍、時賑卹、嚴禁通番、肅清  
盜徒、開釋無罪、攻可交代、凡可以捍民患而迓續其

生者、無所不用其極、戶工等部、又省額外之征、停不  
悉之役、一切朝四暮三、使用陰受加賦之苦、而知者  
亟從罷免、其自來薄歛、有如稅契之類、明截留一二  
項、卽已申解、亦乞准合抵納、後數、以應目前版築教  
練、召募除品之急、而經賊殘破州縣、亦量照勘災體  
例、給復數年、通其有無、則豈惟上下并力、外侮有不  
足禦、而不逞之徒、亦將有以逆折其心、而不敢萌、此  
固本寧邦之要道也、臣故又曰恤民善戰者、譬如蛇  
然、擊其首則尾應、擊其尾則首應、擊其中則首尾相

應今長江上下九江安慶京口太倉徐潁淮陽等皆  
在郊畿之內邦域之中遠近聯屬本爲一體昔人嘗  
以況諸八尺之軀必無尺寸之膚不愛亦無尺寸之  
膚不養風寒濕燥乃無自投其隙而南方風氣故柔  
武備久廢不講每遇警急輒請邊兵乞長鎗手雖閒  
蒙調發如激西江之水以救涸轍之魚大抵無及于  
事而部內士馬乃或終歲不過而一問焉非所以求  
於人者重而所以自任者輕乎合無申明近年都御  
史楊行中御史錢學孔等節次題准事例各操巡都

御史御史等官就便分駐其一鎮江其一儀真其一安慶各嚴督所屬官軍弓兵民壯一體簡選分撥教練刻期奏報而江北諸郡近雖疲弊其土旣廣人猶驍健無吳兒驕輓之習若從官司給種授器聽各監司分布開荒儘力佃作且耕且戍自課自給因其族勒以軍法不煩官餉皆爲精兵視頃者奪熟戶之田以招流移仰飛輓之餘以膳城卒猶爲有常可以經久而太倉徐穎等處副使僉事俱照依九江兵備體例有事移文計議而行遇警相機時策應無分彼此



互相推托。坐失事會。則聲勢聯絡。營衛周流。如同舟  
遇風。雖吳越猶且一心共濟。而所以搔其吭。拊其背  
者。幾皆在我。而無難矣。臣故又曰。聯屬兵貴先機。雖  
敵有所欲擊。與其所欲攻。與其所欲破。賢將必先知  
之。曾謂寇至而猶不知乎。此春秋所以譏戎而大

明律例尤嚴飛報失悞之禁。罪或至斬。凡以圖難于

邊報著于速報以疲兵內地患于遲報以養賊

易。爲大于細也。今各州縣盜發。類多過期不報。及該  
本部查理。又爲虛文塞責。徃徃聞事不實。實事不聞。  
似茲法度夷陵。緩惡寧保無悞。查得先年劉七藍鄂

齊彥名等初至不過百人止。因地方奏報遲悞。以致兵連禍結不已。節該兵部查照律例奏准通行。今後但有草賊生發。該管有司。即便火速申奏。敢有違延隱匿。上司即便叅問罷職充軍。雖不係聚。但係名頭強盜。不拘人數多少。一面設治緝捕。一面差人申報。合于上司并申本部知會處置。如有隱匿事發。叅問四次以上。照例降級。已經撫按官員刊置板榜禁約。緣今法久易湮。合再遵明申守。而湖廣江西地面。皆在長江上流。隨風順下。一日千里。雖非所屬。前車不

遠亦合檢照律文。一體奏報調發策應。有備無患。臣故又曰審機。臣切惟南京連營置守。凡以供衛陵寢宮闕立億萬世不拔之基。而時久承平。如人怯病。儀觀雖盛。脉理已虛。氣習狃於因循。精神疲于牽制。自來良臣猛將。并不究心講求。迄未聞有真能爲之求。三年之艾者。苟爲不畜。終身不得。是以臣請畜之。伏惟聖明裁許。幸甚。

弘遠慮責實効以濟富疆疏

會計歲用

先該刑科右給事中張秉壺題內一款約財用以裕

邊費該本部議得國家財賦國計總于戶部營繕總  
于工部大僕光祿各有司存謹于每歲終會計成錄  
進覽。一曰歲徵、一曰歲收、一曰歲支、一曰歲儲。總數  
會其略。散數註其詳。大率一年以歲徵爲定額。如歲  
收少于歲徵則拖欠可查。歲支多于歲徵則撙節可  
計。歲收比歲徵加多則查交納某年某項錢糧歲支  
比歲徵較少則計本年餘剩若干。收支旣明歲儲虛  
實自見。卽爲次年歲派實徵通融節縮之計。由是財  
用可節。邊費自紓。誠我皇上中興太平之一助也。

本部尙書夏 等具題奉 聖旨准議欽此今照嘉

靖二十八年錢糧出入已有成數擬合會議進呈案  
呈到部臣等謹按嘉靖二十八年錢糧出入之數大  
約太倉歲徵該銀二百一十二萬五千三百五十五  
兩及查本年歲入實收銀二百九十五萬七千一百  
一十六兩雖稍多于歲徵緣係節年解欠及括取開  
納事例等銀原非歲額經常之數及查本年歲支通  
銀四百一十二萬二千七百二十七兩乃比歲徵數  
加一倍蓋因連年擺邊募軍防秋折放馬料商價諸

費不次增添。若非加意裒益。將來年分。或不可支。又如京通倉糧。歲運三百七十萬石。先年常有八年之蓄。本年官軍工匠月糧。歲支二百八十餘萬。京通積蓄僅于五年。其餘雜料糧草等項。用多不節。亦可類考。臣等聞昔周官歲獻民數穀。數說者以爲此周文武成康致太平之要務。而歲抄五穀。皆入然後制國用。蘇軾亦謂此萬世之計。蓋有餘則蠲逋。負除租稅。不足則裁浮費。去冗食。自朝著以及百司庶府。莫不以節用愛人爲心。而其足用善物與凡失物辟名者。

各有誅賞。太宰職之是以上下各足本固邦寧。今在  
官在民止有此數而遠近紛然求討不已此由不知  
一時出納之訖登耗之原故不能相與量入以爲出  
也臣等遵奉欽依查照原擬謹錄會計進呈備行在  
京各衙門并各督撫巡按等官將今嘉靖二十九年  
一應財用通融均節去煩就約準昔善今庶幾漸復  
國初十分餘三之舊以仰合古三十年之通制若內  
承運等各該庫監所領自來不入會計今令內外庫  
藏倉場會計繕寫裝潢成冊隨疏上進伏望 聖明

萬幾之暇、俯賜留神、國家幸甚、臣等幸甚、

議處全陝屯田以足兵食事

全 屯田

臣昔任陝西糧儲副使、職司錢穀、講求屯田、頗得梗概、及任提學副使、巡歷 郡三邊、周爰咨詢、爭取屯田地畝、實徵諸冊、磨算會計、著爲屯田議、亦嘗呼召諸軍、面與商確、又得承其衣食之資、數年以來、頗得其情、諸軍亦日夜引領、冀此法之行、邇來虜賊屢行大舉入寇、延慶備禦之計、必先兵食、而內帑所積、連年爲宣大山西、請發已多、恐難支給、獨有興舉屯田



乃當今急務矧全陝地方袤廣田多膏沃昔人所謂  
沃野千里者。正今屯田之區而漢沔金完諸處尤爲  
腴厚。若委任得人。查照興舉。使屯田之利皆歸于軍  
一舉而兵食足矣。臣嘗稽屯田紅牌事例因窺我

祖宗法意。大都各衛軍人七分屯種三分城操屯種  
者除月糧十二石外餘米上倉以及城操者是十人  
之田養十五人也其後邊事漸興軍多備邊屯種遂  
廢乃因地徵糧百畝及給于軍則人十二石是二十  
人之田始養十人也于是田始不足乃借支民糧又

不足也。乃爲折色。名雖折支。實乾沒之耳。故折色行。而軍始貧糧。借而民始困。祖宗屯田之法。至此弊矣。夫國初餘米上倉。倉在各屯。名曰屯頭倉。屯軍收穫輸納。無搬運守候之費。操軍支糧亦近便簡易。無有侵牟欺隱之弊。及徵糧于官倉。乃在府州會城。去屯遂遠。有至數百里者。又立催糧旗甲。知數人役。軍人赴倉支糧。往返益遠。于是搬運守候之費。侵牟欺隱之弊。百出。雖二十人之田。不能養六七人。乃始仰給內帑。頃者邊事逾多。請乞頻仍。雖內帑亦不能

給則其弊極矣。今臣所議屯田法。因軍人以支納爲害。卽其百畝之業。立爲簡易之條。軍既不納糧于官。官亦不給糧于軍。可復祖宗屯種之制。合唐府兵之法。而在官之省什三。在軍之利十七。雖不能十人之田。養十五人。亦庶幾十人之田。養十人矣。比今二十人之田。養六七人者。其利益倍蓰也。臣嘗呼老校面察其疾苦。咨其衣食。皆曰。軍之納糧于官。大率十五六斗。始納一石。其支糧于官。則一石止得二三斗。今得此百畝之田。無追呼逼勒之擾。稱貸附益之費。

出入之數相懸若此

自種一二十畝。可得花利六七石。餘八十餘畝。佃人分糧。可得二十餘石。少亦不下十七八石。是常有二十餘石之利。衣食有賴。俯仰無慮矣。故曰在軍之利十七。又嘗取支糧文冊計之。八斗者歲支九石六斗六斗者歲支七石二斗。今議一軍止免納糧六石。合八斗六斗計之。二軍共省四石八斗。二萬軍可省四萬八千石。故曰在官之省十三。此皆于支納之間。節其搬運守候之費。革其侵牟欺隱之弊。奪諸豪猾奸宄之手。而埽之官與軍者也。議自西安左等四衛始。

計四衛見在屯田二萬七千餘頃見在軍一萬八千餘名。每人該田一頃。常餘田九千餘頃。除指揮千百戶及儀衛司旗校無地軍人并馬料支給外。尚可剩田五千餘頃。以陝西見行地圖頂軍法募之。可得軍五千餘人。計全陝屯田不下百萬餘石。以此法推之。再因地制宜。可增軍數萬。少不下二萬。此皆不煩帑資。不借民糧而得之者。然軍復家給人足。可使之樂于赴邊而無逃亡之患。故曰一舉而兵食可足也。臣竊見屯田僉事職銜曰提督屯種。又伏覩屯田勅旨。

曰督率官軍餘丁及時耕種勿令遊惰致有荒蕪是此官之設原以耕種爲職不以催科爲急今乃追併逋負敲朴竝施害及妻子禍至雞豚如徵租稅然不知糧將以養軍先以病軍使之騷然喪失樂生之心亦將安用屯田哉故臣所議之法除去其害而其詳開具如左然此因陝西地方袤廣故爲此規至于山西地土狹隘東西不過數百里而山石居半通計一省之田不足當陝西一省有雖用此議者若夫宣大之邊田土久荒則宜用營田法臣已于偏頭老營之

間得荒田東西百里南北二十五里除山石外大抵  
可得田五六千頃已經案行鴈門苛嵐兵備副使劉  
璽張鎬會同議勘及委保德河曲知州知縣等官王  
朝珍齊恩等丈量撥給候丈撥完日另行請給牛具  
種子給與偏頭老營二所官軍耕種并另上營田議  
外伏望 皇上軫念全陝地方重遭虜患急缺兵糧  
臣愚講求此法先後七年于茲勅下戶部再加查議  
如果可行乞行陝西總督巡撫官勘酌舉行庶兵食  
可足邊圉可固